



Bulwerummer
Kerlueredd



1989



P r o l o g
=====

Ich grüße eich ihr liewe Gäscht,
un freu mich, daß ihr kumm soin zu unserm Kerwefescht.

Hier owwe steh ich, s'is moi erschtes Johr,
un dra eich e paar Gedichtscher vor.

Mer hoffen, ehr kennen Spaß vedra,
doch vorher lossen mich erscht mol an moi Gläsje dro.

Er kennen jo hoffentlich des Sprichelche noch,
die Buwerumer Kerb,

"Sie lewe Höch, hoch, Höch!"

Väter der Klamotte in Buwerum

In Buwerum erlebt mer Sache live,
die sin jo fascht schun Fernsehreif.

Mer hen ich kann's eich do berichte,
en ausgesprochene Experte fer so Geschichte.

Un iwwer die Geschichte,
kennt mer eigentlich e eigeni Kerweredd dichte.

Zum Beispiel war do die Story mit der Maus,
die is erum gerennt in dem soim Haus.

Er sieht se, un loßt en Urschrei los,
holt soi Luftgewehr, un schießt wild druff los.

Die Oischüss in de Wand komm mer heit noch si,
awwer die Maus konnt trotzdem noch flieh.

Ach die technische Agelggenheite,
dun unserm Freund ko Freud bereite.

Die Scheckkart fer in de Geldautomat hat er vebroch,
un denkt sich: "Mer babben'se zamme vielleicht geht se dann noch."

Der Automat het die Kart net genum,
statt dessen hot er e grün Lämpche zum leichte gebrung.

"Bitte rechts herumgehn", hot's Lämpche geblinkt,
un de Kolleg is dodruffhie dorsch halb Worms gehinkt.

Awwer dodemit is es noch net genug,
die Polizei deckt a noch ewaneri Straftat uff, als den "Scheckbetrug".

So stehn die grüne Männcher vor de Deer,
un fron en, wu er "dann" un "dann" gewese wär.

Soi Auto het mer bei me Bankraub gesieh,
fer die fraglich Zeit braucht er jetzt e Alibi.

Ulrike, kumm her un vezehl denne Beamte schnell,
was mer "mitnanner" gemacht hen, sunscht kumm ich in die Zell.

Sie hot Wort fer Wort erklärt wie's war,
un die Beamte sinn donn widder beruhigt heimwärts gefahr.

Moi liewwer Fiez, du hosch uns zwar viel Erwedd bereit,
awwer nemmen eich an dem e Beispiel er Leit.

Mehr Kamerade von dem soine Sort,
un die Kerweredd det sich schreiwe wie fun alont Wort fer Wort.

Möchten auch Sie eine gute Versicherung haben, dann
gehen Sie zur:

AACHENER UND MÜNCHENER VERSICHERUNG

Hauptagentur:

Frank Weber
Hauptstraße

6719 Bubenheim

Tel. (0 63 55) 22 92



Rodeo in de Ammelbach

Em gewisse Schweinezüchter isses passiert,
das em e Sau is davon maschiert.

"Des gibts doch net" Er kanns net begreife
normal het ers glei gemerkt bei seiner Streife.

Do isser ab, wie en Blitz,
un hot se gesucht in jedem Ritz.

Bevor er se sieht, war e 1/2 Std. vergang,
sie rennt Richtung Buerumm in de Bach entlang.

No vier-fünf versuche kann er se halle,
doch des Vie lost sich des net gefalle.

Jetzt muß Hilfe her, des hot gar kon sinn,
loßt die Sau los un rennt zum alt Pehl enin.

"Kumm mach jetzt schnell,
sunscht is die Sau nemmer an dere Stell."

Er ohne Frage, rennt hinne nq,
un wie se an die Bach kummen, war des Vie nimmi do.

Korz vor Otterchem grien se se zu fasse,
un dodebei fällt de alt Pehl enenn ins Nasse.

Mit vereinte Kräfte werd se genumme,
un zurück in die Derrmiehl gebrunge.

De alt Pehl un de Ewwerhadd.

Jetzt aber nichts wie hin, in die

M e t z g e r e i L u d w i g

Hauptstr. 1

6719 Bubenheim

Tel. (0 63 55) 5 58



Pleiten, Pech und Pannen

Samstags werd in de Hinnergaß die Stroß gekehrt,
drum werds Audo in die Oifahrt gefahr, daß es net stert.

Als pflichtbewußter Beamter dut mer des Audo vorschritsmäbisch
parke,
die Handbrems zieh, de Rettungsanker oihake.

Korz mer soit devor das die Kiste richtig steht,
ach wann do debei de Handbremszug in die Binse geht.

Irgendwie muß unsern Eddie soin Panda wieder aus de steil Ausfahrt eraus
bugsiere,
awer ohne Handbrems will er des erscht gar net prowiere.

Er denkt: "Ich als Beamter bin jo technisch ubegabt",
drum is er vor bei de Marciniak Hubert getrabt.

Fer denn war die Sachlag sonneklar,
es werd de BMW dragehängt un erausgefah.

Em Eddi soi Fra hot des geseh,
un meckert ununerbroche wie kont des nur gescheh.

Sie kreischt un schent als uff en en,
un de Eddie blärt zurück, halts Maul schun kumme mer noch in
die Kerweredd enen.

Doch de Simon steht genibber, kehrt die Stroß,
un neweher notiert er bloß.

Moi lieber Eddi du siescht jo oi doi Oifahrt is so steil,
drum schenke mer der en Unerlekeil.

mazda Vertragshändler

Auto Kaege
Inhaber Dieter Kaege · Zellertal

KAEGE

Verkauf
Reparatur aller Fabrikate
Gebrauchtwagen
Unfallabwicklung
Texaco-Tankstelle

Auto Kaege · Wachenheimer Straße 10 · 6719 Zellertal 1

Der Mazda 323 SPORT ist da!



Ihr Autohaus:

M A D Z D A K A E G E
Wachenheimer Str. 10

6719 Zellertal 1

Tel. (0 63 55) 4 32

Verdammte Technik

De Ottel will in de Süde flieh,
drum muß er jo zum Flughafe hie.

De Krammer un de Perkuhn hun die Sach iwernumm,
un hen en dort hiegebrung.

En Parkplatz war ach sofort gefunn,
doch die Koffer hense net aus em Auto gebrung.

De Ottel werd schun ganz nerves,
weil des Flugzeug is glei ohne ihn unnerwegs.



No 1o Minute kummen se uff die Idee,
die Rickbank mißt jo umklappe geh.

Die Koffer warn haus, jetzt muß de Krammer es noch
mol probiere,
de Kofferraum springt uff, sie konnten es net kapiere.

Drum lieber Ottel des is jo klar,
es negschde mol werd mit de Bahn zum Flughafe gefahr.

Machst Du einen Führerschein,
dann schau doch mal beim
'MANFRED' rein.

City Fahrschule



City-
Fahrschule
Dieder Bernady
Jnh. Manfred
Heidrich
Schulstraße
6719 Einselethum

Die Letzten werden die Ersten sein

In Buwerum gibt's Asse, des is de Hit,
die sin vollkumme uff em Fitneßstrip.

Selbscht 3 Kollesche, die es ganz Jahr ehrn Hinnere
per Audo in die Wertschaft bugsieren,
bilden sich en, de Bierbauch ging eweg, wonn se
5 Minude im Gellemer Wald trainieren.

Kaum im Wald okumm, setzen se sich in Trapp,
awer no 100 Meder, macht de Pehl schun schlapp.

De Hekdor hot mit ne ausgemacht, daß er ans
Gellemer Heisje kummt,
donn sin die annere Zwe vonnenausgebrummt.

Er erreischt die Wertschaft mit großer Mieh,
doch fun denne Annere war noch nix zu sieh.

De Hekdor denkt sich, des macht jo nix, ich kann
ach allo oner petze,
un dut sich mit em Stoin Bier an de runde Disch
hiesetze.

No zwe Stunn war er schun halwer vollgesoff,
do sin die Annere erscht oigeloff.

Die warn so sche gerennt un hun vezehlt,
un dodebei es Gellemer Heisje vefehlt.

Erscht uff de Filleweed war's ne dann klar,
daß der Weg, den se gerennt sin, wohl de Falsche war.

Sie henn sich dann zum Rickweg uffgerafft,
un's schließlich doch noch zum Gellemer Heisje geschafft.

Ganz außer Atem sin die Supp un de Keller in die
Wertschaft gefall,
un de Pehl hot sich vor lauder Lache de Bauch gehall.

Drum ehr Drei, dun eier Runde lieber uff em
Sportplatz dreh,
do dut ach koner verlore geh.

WIR GEHEN ALLE IN DIE

GEMEINDEHALLE
BUBENHEIM

TEL. 0 63 55 / 7 70

DA IST NICHT NUR AN DER KERWE WAS LOS.



Ein Schläfchen in Ehren kann niemand verwehren

Von Anglerfreunde un Teichgeschichte
konnte mer in de Kerweredd schun effters berichte.

Was ich awer heit vun em alt Buwerumer saa,
dut sämtliche Rekorde schla.

An em lauschige Plätzje am Busen der Natur,
parkt de alt Osse soi Auto s`war 8Uhr.

Un wie er do so steht, die Sunn scheint em uffs hen,
fallen em die Aue zu un er pennt en.

Pletzlich megt er, er werd so naß unnerum,
zu alle Ritze is Wasser eren geloff kumm.


Er muß jetzt schnell en Ausweg finne,
denn er kann jo gar net schwimme.

Des Auto war fascht ganz im Wasser verschwunn,
er hot sich dann awer uff em Autodach in Sicherheit gebrung.

Um des Auto aus em Wasser zu grie,
muß die ganz Kechemer Feierwehr an de Seilwind zieh.

No dem die des Auto geborge hun,
hot mer an dem Karre nix me ganzes fun.

Drum lieber Rutkowski ich geb der en Tip
nemm es negschde mol e Schwimmwest an de Weier mit.



in Schläfchen in Ehren kann niemand abwehren: So dachte wohl der Autofahrer am Mittwoch abend, bevor er hinter dem Steuer ein Nickerchen tat. Doch im Ruheplätzchen war ungeschickt gehöhlt - am Fischweiher am Steinbühl. Nach eigenen Angaben hatte der Autofahrer am Steilhang geparkt und sei kurz eingeschlafen". Während des Schläfchens muß sich die Lemse am Wagen gelöst haben. Der Fahrer erwachte, als sein Wagen 15 Meter vom Ufer entfernt auf dem Weiher

Böses Erwachen

trieb - und langsam versank. Für Nichtschwimmer ein böses Erwachen. Für Nichtschwimmer kann es kein Schlimmeres geben: Der Fahrer rettete sich aufs Autodach. Irgendwann entdeckte ein Bekannter den Unglücksraben, alarmierte Angehörige und Polizei. Zehn Minuten später schickte die Feuerwehr Rettung per Drehleiter. Der Schiffbrüchige harrete

aus. Um direkt vor Ort zu gelangen, scheuten die Mannen selbst die Motorsäge nicht. Und zum guten Schluß wurde der Fahrer im Rettungskorb unversehrt an Land gebracht. Weshalb der Autofahrer am Fischweiher schlief, erfuhr die Rheinpfalz erst gestern. Der Pechvogel sollte Fische bewachen, die für ein Angelvergnügen am Donnerstag ausgesetzt worden waren. Da drängt sie sich auf, die Moral der Geschichte: Es bewache ein Nichtschwimmer Fische nicht... uwh

So ruhig können auch Sie schlafen, wenn Sie wissen,
daß Sie gut versichert sind.

Darum,

A L L I A N Z - V E R S I C H E R U N G


Hauptagentur:

Willibald Lebkücher

Hauptstraße 2

6719 Bubenheim

Tel. 0 63 55 / 6 19



Spieglein, Spieglein an der Wand,
sag mir, wo mein Auto stand

Es gibt en Saarlenner bei uns im Ort,
der trinkt zwar bloß "Colla", aber trotzdem kummt er no de Singstun
net fort.

Er saat: "Ich geh noch net hemm, ich bleib noch e bißche hucke",
un dodebei dut er manchmo ziemlich dief in de Schoppe enoi gucke.

Als pflichtbewußter Autofahrer is des jo klar,
es werd hom gloff un net gefahr.

Awwer am negschde Tag, das darf "das Steffi jo net mitkrien",
laaf ich e hinner an die Hall, hols Auto, un stells widder de Hemm hien.

Er is mojens extra e vertel Stun frieher uff gestie, und an die Hall ge-
fahr,
hot awwer soi Auto dort nimie gesieh, un waas ach net wus war.

Doch plötzlich fällt es em en,
ich hock jo in moim eigene Auto dren.

Bis er dann hom kummt do war's em klar,
daß "das Steffi" schun viel frieher aus em Bett eraus war.

Sie hot es Auto schun long geholt,
un de Kurti steht do, un is ziemlich ogekohlt.

Das der die Mißgeschicke net öfter bassiern,
musche in Zukunft e Fahrtebuch fiern.



Ich sag nur eins:
Wollt Ihr'ne gescheite
Video-Cassette sehn, dann
geht zum

V i d e o - T r e f f

in der Hauptstr. 31

in 6719 Albisheim

Inhaber:

Dietmar Kreiselmayr

Tel. (0 63 55) 30 34

Der Umsteiger

De Eliterennfahrer vun Buwerum,
is beinah unner die Räder kum.

Dem Mann, vun dem ich do vezehl,
sin zwar 200 PS net so veel,

awer sich ach mit klenere Maschine zu arrangiere,
des konnt er net so ohne weiteres vollfiere.

Kaum fahrt er in de Anelin mim Mofa erum,
do is ach schon fun hinne en LKW kum.

Un wie de Rallyfahrer die 16 Reife arolle hert,
do wards em doch a bissje mullmig uf em Gefert.

Er schmeißts Mofa fort un fallt mit de Nos uffs Plaschter,
un schon werds Mofa iwerrollt vun dem große Laschter.

Er rappelt sich uff, un is so dreckisch wie en Hund,
nemmt ach ganz schlimme Werder in de Mund.

Dann sammelt er die Reschte vun soim Mofa en,
un schleppt so unerm Geläschter vun de Kollege es in de
Betrieb enen.

Dann schwert sich de Viez noch in de selbe Stunn,
er fährt nie mehr in de Anelin mim Mofa rum.

G o t h a e r V e r s i c h e r u n g

Hausrat 1,50 DM pro m²
bzw. 1000,00 DM Versicherungssumme;

Bsp.: 100.000,00 DM Hausratversicherung:
150,00 DM + 0,50 DM Gebühr und $\frac{1}{2}$ % Versicherungssteuer

Ihr Versicherungsfachmann:

Rolf Gaub
Wiesenstraße 2

6719 Bubenheim
Tel. (0 63 55) 14 52



Mit moim Auto park ich prima en,
bloß kummen alsemo hiwwe un driwwe paar Kratzer nenn.

Fahrschule Azilla

Aus alte Zeite wars em noch klar,
nom Fußballspiele werd dusche gefahr.
Nom Tischfußball is em des widder in Erinnerung kumm,
drum is er mol korz homgefahr un unner die Dusch gesprung.

Die batschnaß Supp

A Holzdeck im Bad des macht sich einwandfrei,
un mit Stichsä un Hammer war ich glei bei de Arbeit debei.
Doch leider hot moi Gericht net so arisch gehall,
drum bin ich mim Hinnere in die Badwann gefall.
Es Stichsäblatt is mer noch for de Nos hie un her maschiert,
doch wie mer des Ding widder ausschalt hat ich net glei kapiert.
De Thorsten hot mer misse de Stecker erausziehe,
sunscht wär moi Nos wahrscheinlich heit hie.

Kunststücke aus Meisterhand Peter Schording

Zum Hinnergässler uff die Kommunion kummen viel Gäscht,
die wollen sich a setze bei so em Fescht.
Dehom die Stiehl warn ziemlich rahr,
drum is er in die Hall un hot die erschtbeschde homgetraa.
Er denkt noch so bei sich: "Warum stehn dann do die Stiel
im Halbkreis rum?"
Die warn schunn gerischt ver die Kollping,
die wollt iwe bei uns in Buwerum.

Patentheimer Eddy


Für die Party oder das Familientest:




Festzelt-Garnituren leihweise

Leihgebühr pro Garnitur

bei Abholung DM 2,50



Kühl- und Zapfgerät
leihweise



Leihgebühr
ab DM 17,50

Bischoff-Pils
Faßbier

Holzzapfhahn
DM 2,75



GETRÄNKE

meinke

6719 Zellertal 1

Hauptstraße 13/16

Bitte alles rechtzeitig bestellen!

Hegschdens 15 Minute soll mer die Kontaktlinse ins
Reinigungsbad lee,
ich hatt se 5 Stund drenngeloss,
es muß jo a de gröbschde Dreck abgeh.

De Pehl

De Sauter hot de ganze Obend Bilder geschosse,
doch ohne Film im Foto geht des leider in die Hose.

De Linse-Simon

Er wollt ubedingt debei soi vers Fäßje ozuschlaa,
mer hatten em a glei a wichtischi Uffgab iwwertraa.
Wann`s Bier ofangt zu spritze soll er`s Schoppeglas
unner de Hahne halle,
awwer a Glas falschrum unner es Faß zu stelle,
des kann a nur unserm Steini oifalle.

Glasexperte Steini

An de Haschemer Kerb gibts soviel Delikatesse,
doch de Lebs hot misse Spagetti un Kaba esse.

De little Kaba-Sprenger

In Mannem Eishockey gugge, do druff hab ich mich so gefreut,
hatt`s awwer am selbe Obend widder bereut.
Moi Autoche konnt ich sicher und ohne Kratzer in a Parklück
nennzwinge,
doch ich hunns erscht no mehrstündiger Suche kenne endlich finne.

Petra

FEROTÜ SCHMITT

ist Ihr Partner

für die Herstellung
und Montage von:

- FENSTERN
- ROLLÄDEN
- HAUSEINGANGSTÜREN

aus Holz und Kunststoff
verschiedenster Ausführungen

Da stimmen

Qualität und Preis



FEROTÜ Schmitt

...weil Qualität zählt

Gewerbegebiet · 6719 Göllheim · Tel. 06351/6041

Als Machinist des hab ich uffem Lehrgang gelernt,
muß mer soi Fahrzeug in Ordnung halte fer de Fall daß es brennt.
Dodezu gehert ach das mer de Frostschutz kontrolliert,
weil sunscht am Luftgekielte VW-Bus de Kiehler oigefriert.

2. Feierwehrmachinist Spatz Junior

Die Kneipetoilette sin mer en groil
drum tret ich werer de Golf un bruns in die Boil.

De Bauer

Beis Seybe wollt ich e glo Öchsje kaafe
do dut uff emol die Brie fun de Deck runerlaafe.
Ich hall die Hand drunner un saa: "Walter du hosch e Loch im
Dach."
Doch dann gug ich hoch un sie do hot grad e Katz er Geschäft
gemacht.

Agrarbiologe Renscher

Ich hatt die Händ in de Säck warm gehall
un bin deshalb schonungslos uff die Rotznos gefall.

Azilla

Angele is jo normal net so schwer,
wann des malör mit de Angel net bassiert wär.
Es wollt mer kon Fisch on de Hoge geh
do hun ich misse de Angel de Krutze rumdreh.

Die angelnde Keller-Asse

Annerleit sprien sich `s Odol in die Schnut
außerm Ixi der dodemit soi Deerschloß enteise dut.

De Autohygiener Ixi

Will mer a Stick Eise verschneide,
muß mer mit de Flex arbeide.

Die Flexe sin zwar so schun kriminell,
awer wann mer uf e kloni Flex a großi Scheib macht,
fehlt de Finger schnell

Rennstall Viez + Keller Assel

Es Rasemähe hot fern Schützeschträger Kleingärtner soi Ticke,
denn mit em kappute Rasemäher kanns Rasemähe net glicke.

Selbscht no stundelange Reperature,
wollt des Mischtding immer noch net spure.

Un vor lauter Zorn hot er de Rasemäher dann uffgeschmiß,
daß a Schraub bis beim Schlacki uff de Balkon gefloh is.

Das do en neie her muß is jo klar,
drum is er glei zum "MASSA" gefahr.

Un kaum war er deham agekum,
hot er des Ding dann in Schwung gebrung.

Doch plötzlich leit en Sto im Weg,
iwer den is er afach driwer gefegt.

Der ins dann ins Mähwerk kum,
un des hot em de Rasemäher iwel genum.

De Rase steht 3 m hoch noch heit,
weil die SUPP jeden Rasemäher vegeit.

Ich wollt moin schwere Elowe uff de Strohschopp du,
un hun gedenkt: " Ich nehm de Frontlader, do gehts im Nu.
De Henry hot mer awer e schnellerie Art gezeichnet,
un mer den schwere Elowe mit ahner Hand eruffgereicht.

Schwertransporter Rancher

E p i l o g
=====

So ehr Leit, moi Redd is rum,
mehr hot sich net zugetra in Buwerum.

Ich bin zwar einige uff's Fiesje getret,
awwer ich hoff, daß des jeder vesteht.

Jetzt heer ich uff, soviel zu Trinke un zu Lalle,
sunscht du ich noch vum Bodeschtche falle.

Nun geb noch mol e Gläsje ruff,
un anschließend schmeiß ich's do unne uff.

Und wenn dies Glas in meiner Hand nicht zerbricht,
dann wird die ganze Kerwe nichts.

Die Buwerumer Kerb,

"Sie lewe hoch, hoch, hoch!"